

Прохання на сугубій ектенії

Невінно страдати о нас изволивый, Христэ Бóже, и страждущим сострадательно помогай, сих младенцев и отроков, невінно страждущих от недуга аутизма (*имена*), благослови́ бла́гостию Своёю, да явится на них сла́ва Твоя́, рцем вси, Человеколю́бче Милостивый, ско́ро услы́ши и помíлуй.

Сердцевéдче Го́споди, свéтом Твои́м просвети́ сердца́ родíтелей сих младенцев и отроков, терпéнием благослови́, и на всякую добродéтель наста́ви, да благодарят Твоё Благоутрóбие; мо́лимся Ти, Христэ Царю́, ско́ро услы́ши и помíлуй.

Молитва:

Го́споди, Иисúсе Христэ, Бóже наш, послужи́ти спасéнию рóда челове́ческаго изволивый, стра́шныя Стра́сти претерпéвый, и да́же до Креста́ и погребéния снизше́дый; Воскресéнием же триднёвным естество́ челове́ческое обновíвый! Обнови́ свéтом Твои́м умы́ и сердца́ младенцев и отроков (*имена*), невінно страждущих от недуга аутизма, благослови́ их, укрепí, утверди́ и умудри́ их благодáтию Твоёю.

Служáщих бли́жним нареки́ Твои́ми служíтелями, Го́споди, благослови́ добродéтелию терпéния родíтелей, служáщих сим ча́дам, му́дростию Евáнгелия украсí их, раздражíteльность и па́губу гнёва укроти́, за́висти зачатки искорени́, пода́ждь ра́дость духо́вную и дове́рие всеце́лое благо́й во́ле Твоёй, Бóже!

Ве́рою припада́ем Ти, Бла́же, и прино́сим моли́твы уго́дника Твоего́, преподо́бнаго и богонóснаго отца́ нашего́ Алексíя Голосéевского; на нем бо Прóмысл Твой дíвный яви́ся, я́ко благодáтию отверзо́шася уста́ его́, неду́гом прэ́жде сковáнныя, и проповéда он ра́дость Воскресéния Твоего́.

Тéмже, упова́юще на Твоё благосéрдие и мíлость неизречéнную, разумéюще глубинú любвэ́ Твоея́ и премúдрости та́йну, благодарéние и сла́ву Тебе́ возсыла́ем, со Отце́м и Святы́м Твои́м Ду́хом во ве́ки веко́в. Ами́нь.